

# Yëkkuö kit Pablo tö Filipos wakpa a Filipenses

Mik Pablo tö yëkkuö i' kit, etä ie' tso' Roma wötëulewä s'wöto wé a Jesús tté buaë pakè kuëkì. E' tso' kitule Hechos 28.14-31 e' kì. E' yökì mik Pablo dërö Filipos Silas ena Timoteo e'pa ta Jesús tté buaë pakök, etä tajë pë' erblë' Jesús mik (Hechos 16.11-40). Mik Jesús mik erblökwakpa wä ijchenewä tö Pablo tso' wötëulewä, etä ie'pa tö inuköl ena ilè skà patkë'mi Epafrodito ulä a ikìmoie. E' kì wëstela ché Pablo tö yëkkuö i' kì.

Filipos wakpa weirke Jesús mik erblë' e' kuëkì. E' kuëkì Pablo tö ie'pa a ikkaché tö eré ie' weirke, eré ie' ttsë'rke buaë. Ie' tö ie'pa a iché tö ie'pa ké senuk wës Jesús sené es. Ie' e' wöawa diöshet s'malëpa kimoie. Es se' kawötä senuk nì kimoie.

E' kíie ta ie' tö ie'pa a ibiyó ché tö Israel aleripa wëlepa tso' s'wöbla'uk suluë. E' yökì ie'pa kawötä e' kkö'nuk. Ie'pa ñekkëpa s'wöbla'weke tö kè se' tsatkërpa erblë' Jesús mik e' è wa. Eré Pablo tö iché tö e' kè idör es.

## Shkë'wè

**1** <sup>1</sup>Ye' dör Pablo. Ñies Timoteo tso' ye' ta íe. Sa' dör Cristo Jesús kanè mësopa. Ye' tso' yëkkuö i' shtök a' dör bats'e'r batsulewä Cristo Jesús mik serke Filipos e'pa a, ñies a' wökirpa ena ie'pa kìmukwakpa e'pa kos a. <sup>2</sup>Skëköl dör S'yé ena Skëképa Jesucristo as e'pa er buaë chò a' a ena sene bèrè mù a' a.

### Pablo tö wëstela ché Skëköl a Filipos wakpa dalërmik

<sup>3</sup>Bitökicha ye' er ane a' ska', etä ye' tö wëstela cheke Skëköl a a' dalërmik. <sup>4</sup>Këkraë mik ye' tö ikieke Skëköl a a' kì, etä ye' ttsë'ne buaë. <sup>5</sup>Kuaë dò ikkè ta, buaë a' tö ye' kimeke Jesús tté buaë pakè e' kané wa. E' kuëkì ye' ttsë'ne buaë a' dalërmik. <sup>6</sup>Ye' wä ijcher buaë tö i buaë tsá tkéwamitke Skëköl tö a' er a, e' wà kì weraëitö buaë dò mik Jesucristo döne etä. <sup>7</sup>A' dalër tajë ye' éna, e' kuëkì e' dör buaë tö ye' tö a' bikeitsè

es. Kəkraë a' er tso' ye' ska'. Eré ye' tso' wötëule s'wöto wé a Jesús tté buaë kuëkì, eré a' er tso' ye' ska'. Ñies mik ye' kè ku' wötëule tso' Jesús tté buaë tsatkök ena ichök tö e' dör mokì, etä a' er tso' ye' ska'. Skëköl er buaë ché ye' a' e' kuëkì kanè méitö ye' a' Jesús tté buaë pakök. Kanè e' a' ulitane tso' ye' ta ñita. E' kuëkì buaë idir tö ye' tö a' bikeitsè es. <sup>8</sup>Skëköl wa ijcher buaë tö kos ye' éna a' dalër wës Cristo Jesús éna a' dalër es. <sup>9</sup>Ye' tö Skëköl a' ikieke tö a' kí ñi dalërìtsò tajë. Ñies ye' tö ie' a' ikieke tö as a' kí erbikò yësyësë ena a' kí éna ká ar buaë <sup>10</sup>as ì dör ibua'ie ese shushtò a' tö wè kekraë. Es a' sèrmi batse'r, kè kì ì nuí ta' dò mik Cristo döne etä. <sup>11</sup>Es Jesucristo batamik a' sèrmi yësyësë, e' wërdaë buaë wës kal bua'buwa wör buaë ese wër es. E' dör es, etä Skëköl dalöierdaë buaë ikikardakä tajë a' batamik.

### Pablo tso' wötëule eré Jesús tté buaë kí pakarke

<sup>12</sup>A yamipa, ye' kì ikiane tö a' wa ijcher tö ì sulu tköke ye' ta, mokì e' kè wa Jesús tté buaë wöklöne. E' skéie ikí pakarke tajë. <sup>13</sup>Shkëkìpa kos tso' íe ká i' wökir kibi u a, ñies imalepa kos tso' íe, e'pa wa ijcher tö ye' tso' wötëule Cristo tté kuëkì. <sup>14</sup>Ñies ye' tso' wötëulewa moulewa, e' tö tajë s'yamipa tso' ká i' a, e'pa kí erkiöwé tté pakök kè suarta'ia, ie'pa kí erblöke Skëképa mik e' wa.

<sup>15</sup>Mokì s'yamipa welepa ukyërke ye' kì, ie'pa wötköke ye' kì, e' kuëkì ie'pa tö Cristo tté pakeke. Eré welepa tö ipakeke er mokì wa. <sup>16</sup>Ie'pa éna ye' dalër tajë, ñies ie'pa wa ijcher buaë tö ye' tso' wötëulewa íe, e' dör Jesús tté buaë tsatkoie. E' kuëkì ie'pa tö Cristo tté pakeke. <sup>17</sup>Eré welepa skä tso' e' è bikeitsök, esepa tö ipakeke, eré e' kè dör er mokì wa. Ie'pa éna ye' kí we'ikak ye' tso' s'wöto wé a e' dalewa. <sup>18</sup>Eré ipakarke er sulu wa ö er mokì wa, e' kè dè' wës ye' a. Ibuwa'ie dör tö Cristo tté buaë e' pakarke, e' tö ye' ttsé'wëke buaë.

Etä ye' kí ttsé'rdaë buaë. <sup>19</sup>E' wä dör tö ye' wa ijcher tö ye' yërdattsane e' kieke a' tö Skëköl a' e' batamik, ñies Jesucristo Wiköl tso' ye' kìmuk e' batamik. <sup>20</sup>Mokì yö iklö'wé tö ye' kè jaënukkä Cristo kì s'shulökwakpa wörkì. Ye' wa ijcher tö mik ye' e' tsatköke ie'pa wörkì, etä ye' ttöraë ie'pa ta kè suane wës kekraë ye' tö Cristo tté pakeke es as ie' kikarkä tajë ye' wa. Ye' serkeia ö ye' ttëwa e' wa Cristo kïkarkeka. <sup>21</sup>Ye' a ta, ye' serkeia, e' dör Cristo kïkökkä. Eré ye' blënewa, e' ta ye' e' alé. <sup>22</sup>Ye' serkeia ká i' a, etä es ye' kanëblömiia Cristo a ta e' wä kí dörattsä buaë. Ye' wák kè wa ijcher tö wëne dör ibua'ie. <sup>23</sup>Darëre ishükit ye' a. Sulu ye' shkakmitke Cristo ska', e' dör ibua'ie ichökle. <sup>24</sup>Eré a' a buaë idir tö ye' serkeia a' kimoie. <sup>25</sup>Ye' wa ijcher buaë tö e' dör mokì, e' kuëkì ye' wa ijcher tö ye' serkeia ká i' a a' kimoie as a' kí ttsé'r buaë tté mik se' erblöke e' a. <sup>26</sup>Ñies ye' serkeia ká i' a e' dör as a' tö Cristo Jesús kïkökkä tajë mik a' tö isué tö ie' wa ye' dene a' ska' etä.

### Sene wɛs Cristo kɪ ikiane es

<sup>27</sup>Ibua'ie dör tö a' senú yěsyěsə wɛs Cristo tté buaè tö ichè es. Ye' de a' ska' ö ye' kè dē' a' ska', erè ye' kɪ ikiane tö a' sɛr es as ye' tö a' tté ttsò tö a' er méwə ñita ñikkë. Ñies as ye' tö ittso tö a' e' tkéwə darèrèè ñita Jesús tté buaè mik se' erblöke e' tsatkök. <sup>28-29</sup>Skèköl er buaè ché se' a, e' kuəkɪ ie' tö kawö mé se' a erblök Cristo mik ñies weinuk idalèrmik. E' kuəkɪ kè a' suanuk se' bolökpa yöki. Ie'pa tö se' we'ikeke, e' dalè'ttsésö er bua' wa, e' ta' e' tö ikkacheke ie'pa a tö ie'pa weirdaè siarè aishkuö ta, erè se' tsatkërdaè. E' kos dör Skèköl kanè. <sup>30</sup>I'ñe ta' a' weirke wɛs a' tö isu' tö ye' weine mik a' ta' ye' bak etə es. Ñies i'ñe ta' a' tö ittse tö ye' tso'ia weinuk.

### Se' ké e' wöökwa diöshɛt wɛs Cristo e' wöawa es

**2** <sup>1</sup>Cristo tö a' er kuweke. Ie' éna a' dalèr tajè e' tö a' er pableke. A' batsulewə ñi mik Skèköl Wiköl wa. Ñies a' ñi saù er bua' wa, er siarè wa. <sup>2</sup>E' kuəkɪ ye' tö a' a' ikiè tajè tö a' er múwə ñita ñikkë. A' ñi dalèritsò ñikkë. A' erbiók ñikkë Skèköl a. A' senú buaè ñita ñikkë, e' wa a' tö ye' ttsé'ú buaè. <sup>3</sup>Kè ì wə wötkoie ñita. Kè ì wə e' ttsokə ñi kɪ. E' skéie a' e' wöowa bèrè. Ibikeitsò tö s'malepa dör buaè a' tsata. <sup>4</sup>Kè a' e' tkiük a' wákpa íyi è kɪ. A' ké s'malepa kɪ tkinuk ikimè wa isuè wa.

<sup>5</sup>Se' erbiók wɛs Cristo Jesús erbiók es, e' dör i' es:

<sup>6</sup>Ie' wák dör Skèköl je',

erè ie' kè tkine e' kɪ tö iwák dör Skèköl.

<sup>7</sup>E' kos méatitö iwák er wa,

ie' de ká i' a yöne s'ditsöie wɛs kanè méso es.

Ie' kune' s'ditsöie.

<sup>8</sup>Mik ie' bak ká i' a, etə ì kos kiane Skèköl kɪ e' iütè'itö sɛraa

dò ie' e' me'ttsə ttèwə wötèulewə krus mik wɛs pè' sulusi es.

Ekkè ie' e' wöa'wa.

<sup>9-11</sup>E' kuəkɪ Skèköl tö ie' tkéka íyi ulitane tsata.

Ñies ikiè mékaitö Kèköl íyi ulitane tsata.

Ie' tö iwé es as ì kos tso' ká jaì a, ena ká i' a ena ká diöshɛt e'pa kos

e' tulòwə kuchè kɪ Jesús wörkɪ idalöioie,

ñies as sulitane tö ichòka tö Jesucristo dör Skèköl,

Skèköl dör S'yé e' kíkoka tajè.

### Sene yěsyěsə pè' sulusipa shua

<sup>12</sup>A ye' yamipa dalèr tajè ye' éna, Cristo tö Skèköl tté iüté buaè, e' kuəkɪ ye' tö a' a' ichè tö a' tsatkène e' wà ú suane wa painè wa. Mik ye' bak a'

ska' et̩a kəkraë a' tō Skəköl ttè iüté buaë, erè i'ñe t̩a ye' kè k̩u' a' t̩a, et̩a ik̩i iütó bua'iewa. <sup>13</sup>Skəköl wák tō a' erkiöwè ì kiane ie' k̩i wè ese woje. Ñies ie' tō idiché mé a' a iwakanéwoje. E' kuëk̩i a' tō iwakanewèmi buaë.

<sup>14</sup>Ì k̩os weke a' tō, e' ú bèrè, kè dör kabene wa, kè dör ukyène wa. <sup>15</sup>Ìú es as kè ì sulu tté k̩ur a' k̩i. Es a' sermi pè' sulusipa sh̩uà yësyesè kè k̩i ì nuí t̩a' wés Skəköl ala'r es. Ie'pa sh̩uà a' dör wés bèkwö wõnar k̩á ttsettse a es. <sup>16</sup>Jesús tō sene michoë mè se' a, e' tté wà pakó ie'pa a. A' tō iwakanewé es, e' t̩a ye' t̩tsè'rdaë buaë mik Cristo dene et̩a. Es ye' tō isuëraë tō ye' kanèblé darèrè e' kè weine é. <sup>17</sup>A' erblöke Jesús mik, a' tō Skəköl ttè iuteke buaë. Ñies a' e' mettsa weinuk ie' tté kuëk̩i. E' dör wés iyiwak jchè sacerdote tō mè Skəköl a es. Isalema ie'pa tō ye' ttèwami Jesús tté kuëk̩i. E' wà tka ye' t̩a, e' t̩a ye' dōraë wés vino tekettsa iyiwak jchène mè Skəköl a e' k̩i es. Ie'pa tō ye' ttèwami, erè ye' t̩tsè'r buaë a' t̩a ñita. <sup>18</sup>Es ñies a' t̩tsè'nú buaë ye' t̩a ñita.

### Timoteo

<sup>19</sup>Skèkèpa Jesús ttò wa ye' mú tō Timoteo patkèmi bet a' ska'. Ie' tō a' a ye' biyó meraë buaë, e' tō a' t̩tsè'weraë buaë. Ñies ie' wà a' biyó dōraë ye' a as ye' t̩tsè'r buaë. <sup>20</sup>Kè yi skà k̩u' ye' t̩a tkirke a' k̩i mok̩i wés ie' es. <sup>21</sup>Imalepa tkirke ì kiane ie'pa wákpa k̩i, ese è k̩i, kè tkirt̩a' ì kiane Jesucristo k̩i ese k̩i. <sup>22</sup>Erè a' wà ijcher tō Timoteo tō ikkayè'bak tō ie' dör Jesús kanè méso buaë. Ie' kanèblèule buaë ye' t̩a Jesús tté buaë pakök wés ye' wák alà es. <sup>23</sup>E' kuëk̩i mik ye' wà ijchertke tō wés ye' dōmi fe, et̩a ye' mú tō Timoteo patkèmi a' ska'. <sup>24</sup>Ñies ye' erblöke Skèkèpa mik tō ye' dōmine a' ska' kukuie.

### Epafrodito

<sup>25</sup>Ñies ye' tō ibikeitsè tō ye' kawōt̩a s'yami Epafrodito patkòkmine a' ska'. Ie' dör wés ye' èl es. Ie' kanèblöke buaë ye' t̩a. Ie' tō Jesús tté tsatkeke buaë ye' t̩a. A' tō ie' patkè'bitu ye' k̩imuk a' skéie.

<sup>26</sup>Ie' k̩i a' kiane suè kröröë. Mik ie' wà ijchenewa tō a' tō ibiyó t̩tsè' tō ie' duöke, et̩a e' tō ie' eriwék̩a taië. <sup>27</sup>Mok̩i ie' kirinebak. Tsir et̩a ie' blènewa, erè Skəköl tō isué er siarè wa, e' kuëk̩i ie' buanene. Es Skəköl tō ye' sué er siarè wa ñies. Epafrodito duópawa, e'ma ye' k̩i eriane taië. <sup>28</sup>E' kuëk̩i sulu ye' éna ipatkakmi bet a' ska' as a' t̩tsè'rne buaë isaukne, ñies as ye' kè k̩i eriar̩a. <sup>29-30</sup>A' tō ie' kiówa t̩tsè'ne bua' wa wés Jesús mik erblökwakpa ñi kiówa es. Tsir et̩a ie' blènewa Cristo kanè wè kuëk̩i. Wés a' kè a ye' k̩imer, e' kuëk̩i ie' tō ye' k̩imé a' skéie. Eë iekkè t̩a ie' blènewa. E' kuëk̩i se' esepa dalóió.

### Cristo dör buaë ichökle ì ulitane ts̩ata

**3** <sup>1</sup>A yamipa, e' k̩ie t̩a ye' tō ichè a' a tō a' t̩tsè'nú buaë Skèkèpa Jesús batamik. Ì kitbak ye' tō yèkkuö k̩i a' a, e' skà shtekeneyö a' a i' t̩a.

Ye' kè shtrine iskà chökne a' a. E' dör buaë a' a a' tsatkoie wépa éna a' kītō'wāk esepa yōkī. <sup>2</sup>A' e' kkō'nú pē' sulusipa datşę węs chichi sulusipa es esepa yōkī. Ie'pa e' wamblörak suluë. Ie'pa icheke tō wépa tottola kkuölit tēule tsir węs Moisés tō ikitat es, esepa è dör Skëköl ala'r chökke. Ie'pa éna a' er sulu'wākwa tte ese wa. E' kuekī a' e' kkō'nú esepa yōkī. <sup>3</sup>E' kè dör węs ie'pa tō ichè es. Se' tō Skëköl dalöieke iWiköl batamik, esepa je' dör Skëköl ala'r chökke. Kè se' erblöku' se' wákpa mik e' tsatkoie. E' skéie se' erblöke i o' Cristo Jesús tō e' mik, e' wa se' e' tsökeka taië. <sup>4</sup>Yile e' ttsòka tō itsatkërmi iwák batamik, e' ta ye' e' ttsòkami taië e' tsata. <sup>5</sup>Mik ye' kī ká deka pàköl (8) etā ye' tottola kkuölit tēne tsir węs Moisés tō ime'at es. Ye' dör Israel aleripa e' eköl. Ye' dör Benjamín ditséwö. Ye' dör hebreo ditséwö chökke. Ye' bak fariseowakie e' kuekī Moisés tte kitule dalöiëno e' dalöiök ye' bak buaë węs fariseowakpa es. <sup>6</sup>E' kèwö ska' ta ye' bak tte e' tsatkök darërè dō Skëképa Jesús icha esepa we'ikök siarë. Sene yësyësë kiekie tte ñe' tō se' a e' wà iutēule ye' wā sęraa, kè kī i sulu tte ta' yës. <sup>7</sup>Ye' bak ibikeitsök tō iyi ekképa kos e' dör buaë ye' a e' tsatkoie, erë i'ñe ta ye' éna iane tō e' kos kè dör iie bua' ye' a. E' kuekī e' kos kè wà ta'ia ye' a Cristo dalërmik. <sup>8</sup>E' kīie ta, Cristo Jesús dör ye' Këköl, e' mik ye' bätse buaë, mokī e' dör buaë ye' a iyi ulitane tsata. Ie' dalërmik iyi malë kos watëttsayö, e' dör ushñaie ye' a as ye' ulà dō ie' ska' <sup>9</sup>ena ye' bätswā ie' mik da'äie. Es Skëköl tō ye' klō'wé węs pē' buaë yësyësë es ie' wörkī, e' kè dör Moisés tte dalöiëno e' dalöiëyö buaë e' kuekī. E' skéie ie' tō ye' klō'wé węs pē' buaë yësyësë es ye' erblé Cristo mik e' kuekī. E' wà dör tō mik ye' erblé Cristo mik etā, e' kuekī Skëköl tō iché tō ye' dör pē' buaë yësyësë ie' a. Nies ie' tō ye' kímé senuk yësyësë ie' a. <sup>10</sup>Ye' kī e' batsak Cristo mik bua'iewā. Ie' kōtwā pē' tō e' shkeo'kane Skëköl tō ie' diché taië wa, e' diché kiane ye' kī ye' er a. Ye' e' chak weinuk ie' dalërmik węs ie' weine ye' dalërmik es. Ye' e' chak ttèwā ie' dalërmik węs ie' kōtwā ye' dalërmik es. <sup>11</sup>Ye' sęnak es as Skëköl tō ye' shke'ükane aishkuö ta.

### Kam se' ser yësyësë węs Cristo es

<sup>12</sup>Ye' kè tō icheku' tō e' kos wëtkeyö. Ye' kè tō icheku' tō ye' dekatke ser yësyësë węs Cristo Jesús ser es. Erë ie' tō ye' klöo'bak as ye' dō węs ie' es. E' kuekī ye' e' tkéwā darërëë as ye' dō węs ie' es. <sup>13</sup>A yamipa, ye' kè ibikeitsè tō iyi ekké kos detke ye' ulà a. I o' ye' tō, ese kè bikeitseku'iyö. E' skéie i tso' Skëköl wā ye' a aishkuö ta, ese è yuleke ye' tō darërëë. <sup>14</sup>Ye' e' tkéwā darërëë kekraë dō mik ye' demi ká jai a etā as iské dō ye' ulà a. E' dör sene michoë Skëköl ta. E' tso' ie' wā bil yi klöule ie' wā Cristo Jesús batamik esepa a. <sup>15</sup>Se' ulitane erblö buaë Cristo mik, esepa kawötā ibikeitsök ñe' es. A' wēlepa tō ilè bikeitseke kuā'kī etā Skëköl tō a' er ñi'wërane. <sup>16</sup>Erë ibua'ie dör tō se' ulitane ké senuk yësyësë kos se' a ikkayëne eköl eköl ekkë.

### Se' dör ká jai wakpa

<sup>17</sup>A yamipa, a' senú wes ye' serke es. Nies wépa serke wes sa' serke es esepa webló ta' a' senú es. <sup>18</sup>Ye' tò a' a' iyè' taijè tò pè' tso' e' chò tò ie'pa erblòke Jesús mik, erè ie'pa serke wes Cristo kòtewā krus mik e' bolòkpa es. E' skà chèneyö a' a' i' ta' iè wa. <sup>19</sup>Ie'pa ekkèpa michoë ewèwa. Ì kiane ie'pa kī ese dör ie'pa kèköl. Warma ì tò ie'pa ké jaënuke taijè, ese wa ie'pa e' ttsòkèka. Ie'pa er me'rie ì tso' ká i' a' ese è kī. <sup>20</sup>Erè se' dör ká jai wakpa. Skèkèpa Jesucristo dör S'tsatkòkwak tso' ká jai a, e' datskene, e' paneke se' tò kröröë. <sup>21</sup>Ie' wā diché tso' taijè e' aloka' íyi ulitane kī. Idiché wa ie' tò se' chkà nurta'wā e' mane'werattsā as idò wes ie' wák chkà olo ta' taijè es.

**4** <sup>1</sup>A yamipa, a' e' tkòwā darèrè Skèkèpa Jesús a' kèkraë. Suluë ye' éna a' suakne, a' dalèr taijè ye' éna. A' tò ye' ttsè'wèke buaë. A' dör wes ye' kaneblòke Skèköl a' e' ské es.

### Evodia ena Síntique

<sup>2</sup>A Evodia ena Síntique, a' bøl dör Skèkèpa Jesús icha, e' kuekī ye' kköchò a' a' tò a' erbikó ñikkèë. <sup>3</sup>Eköl tso' a' shuā, e' dör ye' kīmukwak buaë, e' a' ye' ikiè tò alakòlpa e'pa kīmú er buanukne ñi kī. Ie'pa bak kaneblök buaë ye' ta' Jesús tté buaë pakè wa. Ie'pa ena Clemente ena imalepa bak kaneblök darèrèë ye' ta, e'pa kiè kōs tso'tke kitule sene michoë yèkkuö kī.

### A' ttsè'nú buaë kèkraë

<sup>4</sup>A' ttsè'nú buaë kèkraë a' dör Skèkèpa Jesús icha e' kuekī. Ye' tò iskà chène a' a' tò a' ttsè'nú buaë. <sup>5</sup>Sulitane saú er bua' wa kèkraë. Skèkèpa Jesús datskene bet.

<sup>6</sup>Kè ì tò a' eriauk, e' skéie ì kiane a' kī, ese kōs mú Skèköl ulà a, ie' a' ikiè wa ena kköchè wa. Nies wèstela chó ia. <sup>7</sup>A' tò iwé es, e' ta' sene bèrè meke ie' tò e' meraëitò a' a. E' dör taijè iskiè kè se' éna iwà ar ekkè. E' tò a' er ena a' erbikè kkò'neraë Cristo Jesús batamik.

<sup>8</sup>A yamipa, ibataie ta' ye' tò a' a' icheke tò ì kōs dör mokiè, ì kōs dalöiërta', ì kōs dör yësyësè, ì kōs dör batse'r, ì kōs dör buaala, ì kōs kīkauleka buaë, íyi ese kōs kī a' er múwā kèkraë. Ì kōs dör buaë ena ì kōs kīkarkata', ese bikeitsó kèkraë.

<sup>9</sup>Ì kōs wa ye' tò a' wòblao', ttè kōs yè' ye' tò a' a, e' ttsè' a' tò. Wes ye' serke, e' su' a' tò. A' senú es, e' ta' Skèköl dör sene bèrè mukwak, e' tso' a' ta' kèkraë.

### Pablo tò ie'pa a' wèstela ché

<sup>10</sup>Ye' ttsè'ne buaë tò bata ekkè ta' a' er dene ye' ska'. Ì patké a' tò ye' a, e' wà de ye' ulà a, e' tò ye' ké wèstela chök Skèkèpa Jesús a. Ye' éna iane

tö mokì a' kè er chë'twa ye' ska', erë a' kè ulà dë' wës ipatkoie ye' a. <sup>11</sup>Ye' kè ku' e' chök a' a ilè kì kianeia ye' kì e' kuekì. Ye' wöblanewatke ttsë'nuk buaë ì kôs tköke ye' ta' e' a. <sup>12</sup>Ye' wöblanewatke senuk mik ye' wa' íyi tso' taië etä, ñies mik ye' kè wa' íyi ta' yës etä. Ye' wöblanewatke ì kôs tköke ye' ta' e' dalë'ttsök. Íyi tso' ye' wa' ñè ö íyi kè ta' ye' wa' ñè, erë ye' ttsë'rke buaë. Ì tso' ye' wa' taië ö ì kè ta' ye' wa' yës, erë ye' ttsë'rke buaë. <sup>13</sup>Íyi kôs dalë'ttsërmi ye' a buaë Cristo batamik, e' tö ye' a diché meke e' kuekì. <sup>14</sup>Erë buaë idir tö a' tö ye' kímé ye' weirke taië e' shüa.

<sup>15</sup>A yamipa, a' wa' ijcher buaë tö mik a' tö Jesús tté buaë e' tsá ttsë', e' kèwö ska' ta' ye' e' yë'ttsa Macedonia ta' a' erule serke Filipos e'pa è tö ye' kímé inuköl wa. Kè imalepa skà wa' ye' kímène wës a' es. <sup>16</sup>E' kíie ta' mik ye' bak Tesalónica, etä a' tö íyi patkë' ye' a' e' kímöie bötökichakkë. <sup>17</sup>Ye' kè ku' ì kakmeke a' tö ye' a' e' è bikeitsök. Ì buaë kì merke a' a' ká jai a' ì kakmé a' tö ye' a' e' skéie, ese bikeitsök ye' tso' bua'ie. <sup>18</sup>A' wa' ijchenú tö ì kôs patkë' a' tö ye' a, e' dë' ye' ulà a, e' kuekì taië ye' wa' itso'. E' kíie ta' ì ipatkë' a' tö Epafrodito ulà a, e' kôs ta' ye' wa' itso' taië shüte. Ì wé a' tö e' wër buaë Skëköl wa wës íyi meule ie' a' ala'r buaë masmas es. Ese kiar ie' kì. <sup>19</sup>E' kuekì ye' Këköl tö ì kôs kiane a' kì senoie ie' a' ese meraë a' a' ì tso' ie' wa' buaë taië shüteë e' wa' Cristo Jesús batamik. <sup>20</sup>Skëköl dör S'yé, e' kíkòkasö taië këkraë! Es e' idir.

### Pablo e' chéat

<sup>21</sup>Jesucristo icha batse'r e'pa kôs shke'ú ye' a. Ñies s'yamipa tso' ye' ta, e'pa tö a' shke'wémi. <sup>22</sup>Ñies s'batse'rpa serke íe, e'pa kôs tö a' shke'wémi. Sa' shüa wépa kanëblöke Roma wökir kibi a, e'pa tö a' shke'wémi bua'iewa.

<sup>23</sup>As Skëkëpa Jesucristo er buaë chò a' a.